



KERATAN AKHBAR

AKHBAR	:	SINAR HARIAN			
TARIKH	:	28/5/2017	MUKA SURAT	:	47
JABATAN	:	JAS			
KLASIFIKASI	:	PERHATIAN			

JAS sahkan pencemaran udara di Nilai akibat debunga tanaman

Kawasan Nilai dicemari bahan kimia

NILAI - Beberapa buah kenderaan di kawasan ini dicemari dengan tompokan kuning berbentuk cecair dipercayai bahan kimia.

Adun Nilai, J. Arul Kumar berkata, kejadian yang sama turut berlaku pada kenderaan beliau sendiri.

"Isu ini sudah lama tetapi sejak dua minggu kebelakangan ini keadaannya semakin teruk. Kelmarin, ketika saya letak kereta di kawasan Nilai, tidak sampai 10 minit, kereta saya terdapat beberapa tompokan tersebut.

"Saya percaya ia terjadi berpunca daripada pencemaran kimia di udara. Bukan

kereta saya saja kena, tetapi banyak kenderaan berhadapan masalah serini, semalam.

Bagi mengatasi masalah ini, Jabatan Alam Sekitar (JAS) sudah mengambil tindakan untuk memastikan kawasan ini dapat melakukan siasatan.

"Saya berharap tindakan JAS dapat mengambil langkah berkesan terhadap pihak berkepentingan yang melakukan pencemaran tersebut.

"Jika betul tompokan ini berpunca daripada asap, sudah tentu kawasan Nilai tidak selamat kepada kenderaan.

Keratan Sinar Harian, 1 Mei lalu.

SEREMBAN - Titisian kuning yang melekat pada kenderaan di sekitar Taman Semarak dan Bandar Baru Nilai, Nilai, bukan berpunca daripada pencemaran kimia.

Sebaliknya, Jabatan Alam Sekitar (JAS) menerusi hasil siasatan mendapati ia berpunca daripada spora atau debunga tanaman landskap.

Pengarah JAS Negeri Sembilan, Norhazni Mat Sari berkata, selepas menerima aduan dikemukakan Adun Nilai, J. Arul Kumar berhubung masalah berkenaan, pihaknya melakukan siasatan pada 2 Mei lalu.

"Hasil siasatan, kita dapati aduan yang dikemukakan wakil rakyat itu mempunyai asas seperti mana yang ditunjukkan di lokasi kejadian. Bagaimanapun, titisian kuning yang berlaku itu bukanlah satu pencemaran bahan kimia di udara, sebaliknya adalah berpunca daripada spora debunga.

"Disebabkan debunga dari pokok jatuh ke atas kereta yang diletakkan di luar menyebabkan ia menjadi warna kuning," katanya kepada *Sinar Harian* di sini, semalam.

Norhazni bagaimanapun berkata, pihaknya tetap mengambil langkah tegas menangani isu berkaitan pematuhan bagi perindustrian di kawasan berkenaan supaya tidak mengganggu penduduk sekitar.

Sinar Harian 1 Mei lalu melaporkan kejadian berhubung tompokan kuning yang dikesan mengotori kenderaan milik penduduk dikhuatiri akibat pencemaran kimia.